

اداره خانه سی : دارالفنون
قارشیسنده کاش حسن پاشا
مدرسه سی داخلنده در

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۰۰ فروش
آلتی آلتی ۵۰

آبونه قیدی معامله سی هر سنه نك برنجی
وایکنجی آلتی آلتی اعتباراً اجرا اولونور

دینی ، علمی ، ادبی ، اجتماعی و شهری

مختل
۱۳۳۸

مجموعه اسلامی سی

صاحبی ، مدیری ، محرری :

اسلامك نفعنه خادم مقالات
مع التشكر قبول ونصر اولونور

یازانك شخصیق دکل ، یازانك اهیق
نظر دقته آلتییر .

کلن یازیلردن هایان قبول کوردولنلر
تامیخ صیراسیله درج ایدیلیر .

کونده ریله جك آثار ، اولوناقلی
و مختصرجه یازیلش اولمالیدر .

ذی الحجه
فی : فروش
۱۳۴۱
۱۰



عدد
جلد
۳۸
۴

طلبه محفل :

بر اثر مناسبتیله صاحبیه :

«مدرسه سلیمانیه طلبه علوم افندیلرینه» اتحافاً
کوندردیگنیز مترجم رساله کزی اوقودم . بزى
تخطر نزا کتکزه متشکرم .

شو صبراده صاریقیلر واورو حی طاشیانلر
جقنده ایقاد ایدیلان غیظ وکندن خبردار اولدیغ
جهتله اثرکزک نه کی بر مقصده بناء نشر ایدلدیکی
خصوصنده متردد بولونمقده حقی اولدیغی بیلیم
تصدیق ایده جکیسکیز؟ کندی می مقصد کرسیسته
اصعاد ایدوبده نه مؤلفی تألیفندن طولانی تنقید ،
نه ده ذات عالیکزی ترجمه کزدن طولانی تخطئه
ایتمیه جکم . ذاتاً «رؤیا» تنقیده متحمل دکلدور .
اضغاث واحلام تمیره کلیرمی؟ شو قدر دییه بیله جکم که
ترجمه ایتدیگنیز اثرک فرنک روحیه یازلایقنه شبهه
یوق . مؤلفکیز، هوا جس فکریه منی حقیقت و میدان
عر صانده خطیبک ایدمنی ملک ظن ایتش . حالوکه
حقیقی بر مسلمانک ذائقه عرفانی، دینده تفقه و مسائل
فقهیه بی تعلیمک هر مسلمان و اجاب اولدیغی سویله یین
علمایه «علمی» سزک یازدیگنیز و سزک ایچین
تحصیلی خیرلی اولان فقه و مسئله کتابلرنده ظن
ایتدیگنیز، کی حجاب استنار آوقه سندن سمع جانیه
عکس ایدن بو و بوکا مائل صدانک زردن کلدیگنی
تفریق ایدر . هر هانکی کسویه بورونورسه
بورونسون بو طرزده خطیبک ایدمنک ملک دکل،
شیطان اولدیغی سسندن آکلار . چونکه : بر
مسلمان ، شیطانک اوسته آقنورلر کی صحه تماشایه
هر آن باشقه بر قیافله کله بیله جکنه قانمدر .

*

*

علماء دین و طرفدارانیه آتوب طوتمق تخمی،

یابانجی اللر واسطه بیله خاک پاک وطنه مقدا

سریلمشدی . مملکتیمزک بیابان فکریاتی مضر
افکاری تمیه ایتمکده اراضی قدر منبت اولدیغی
ایچون صوکرادن غرس ایدیلن بویانی آغاچ پک
چابوق شاخلانهرق زهرلی میوه لری ویرمه
باشلادی . طبعیدوکه : صنف علمی بی فعالیتیه
کتیرمک و دائماً وایانق بولوندیرمق ایچین یوکسه لن
صمیمی وحق غیر صمیمی سسلر مستینا .

یوقاریده «فرنک روحی» دیمشدم . بو مضر
فکرک مملکته نصل کیردیگنی و جرثومه منی زردلرده
اولدیغی آراشدیرالم : بیلورسکیز که : بزده منور
طبقه نک بر قسمی دیار کفرک مقلدی در . بونلر
فرنکستانده کوروب اوقودقلری هر شیئی علی الصمیا
مملکتیمزده تطبیق ایتک ایسته یورلر . بونلر هر
خصوصده محیطک تأثیرات عظیمه منی اونوتیورلر .
وغالباً «محیط» کله سیله اجمال ایتک ایسته دیگنیز
درین معنا بو کیلرک قاموسنده موجود دکل .

آوروپاده کلیسا تاریخندن عبارت اولان دین
نصارا پاپاسلرک النده دیمیر بر چنبر ماهیتی آلمشدی .
اعصارک بریکدیردیکی غیظ وکینه انضمام ایدن تضییق
نتیجه سی اوله رق خلق عصیان ایتدی و بو تابوت
جسیمک آلتندن صیریلدی . ایشته بو حرکتی عیناً
قوییه ایدهرک مملکتیمزده ده تطبیق سوداسنه
دوشیورلر . دوشونمورلر که دین اسلام دین نصارا
دکلدور . تفکر ایتیمورلر که «قرآن کریم» «اناجیل
اربعة» کی قونسیلر نتیجه سنده تقرر ایتش، دها
طوغروسهی حالا اختلافی قالمش دکلدور . غرابته
بناءً سوبلیورم که عرض ایتدیگم فصیله دن بعضاری
دین اسلامده (Réforme - اصلاحات) یاپه رق
اسلامیتک «لوتر» ی اولمق ایسته یورلر . (لوتر)
نصل که دینده بعض اعتقاد و مراسمی طی و تنسیق
ایتدی ایسه بونلرده اولیله جه مصلح دین اولمغه

یلتینورلر . حالبوکه حیطة اسلامیتده قاتولیک و پروتستانلی یوقدر .

مسئله نك اك مشكل جهتی هدفلرینه واصل اوله بیلملری ایچون دینی بر ماسکه ایله تسویلاتده بولونلریدر .

باطل همیشه باطل و یهوده در ولی

مشكل اودرکه صورت حقندن ظهور ایده

اسلامیت ایله عیسویت بیننده نه قدر بویوک برفرق وارسه علماء دین اسلام ایله رهایین بیننده اوقدر عظیم برفرق موجوددر . بر خرستیان هر حالده رئیس روحانی به بویون آکوب اوکا خضوع و خشوع ایله مکلف . بر قتولیک کناهلرینک عفو ایدلمه سی ایچین الله دکل ، پاپاسه یالوارمق مجبوریتده .

اونک خرستیانلقی ، خرستیانلقدن چیقمسی هپ پاپاسک الله . وکیل مطلق اولان راهب عفو ایدرسه اللهده عفو ایدر ، ایتمزه ایتمز . شیمدی حق الانصاف دوشونه لم . خرستیانلق کی بشریتی بودرجه تذلیل ایدن بر دین - بر متفکری دکل - دوشونه بیلن هر هانکی شخصی عصیان تشویق ایتمزده نه یاپار ؟ بویله بر دین غریبه اولدینی کی پاپاسر علیه اختلالره وسیله اولورسه چوقیدر ؟

حالبوکه اسلامیت بویله می ؟ دین مینده بویله عقیده لر موجود می ؟ بالعکس دین احمدی ده واسطه لق یوق ، سمسارلق یوق . کیم زیاده متقی ایسه عندالله اک مکرم اودر حقیقی بر مسلمان اللهدن باشقه کیمسه به تذلل ایتمز . دین مینده سبه کو - لاسیون اولمدینی کی ره فورمده یوقدر . شو محمل معلوماتدن صوکر ا غریبه پاپاسره یاییلان بر حرکتی مملکتتمزده - هیچ لزوم و احتیاج اولمدینی حالده - تقلیده قالیق شمع ، اویویان فتنه عظیمه یی قامچیلامق ، داها دوغروسی مسلمانلرک بیننه قونداق صوقق دیمکدر .

سوزلریمی بیتیرکن سزدن و مطبوعاتک یکی خادملرندن بودیندار محیطک عقیده سنی صارصه حق و فتنه اویاندر اچق نشریاتده بولونولماصنی رجا ایده جکم . سیهکنز ابن رشدک فلسفه سنه و داها بوکا مائل تألیفات و تراجه مصروف اولورسه فقر عرفاندن بوکالان بومملکتک کنج نسلنه داها مفید و داها مشکور اولور . ۲۹ مایس ۳۹

مدرسه سلیمانیه فلسفه و دارالفنون

حقوق شعبه سی مداوملرندن

احمد شکری



اویان :

اویان آرتیق چکیلز بار غفلت
اویان کورسون بو عالم شمس فکرت
سلام اولسون سکا ای کنج مسلم !
تفاق و فتنه به اول برق سطوت
کذرگاهک طیانماز سیل علمه
بنای جهلی بیق ! یاق ! نور قدرت
تداوی ایت وجود پر علیلی
کورونسون ملجأ آثار صحت
اویاندرسه ک اویاندر قوم غیری
او رأس نا کسه اولسون بورفت
عدوی جانک اولدی حائل فیض
بونالدک بواسارنده ای امت !
نیچون دشمن سکا هپ مستبدر
ضعیف اولمق بودر طوق اسارت
تفوق چاره تخلیص جاندر
تذنی سائق راه مذلت

اسماعیل لطفی

۲۵ شوال ۱۳۴۱